

中國方志叢書
• 華北地方 • 第三四〇號

甘肅省

涇州志
(全)

成文出版社有限公司印行

中國方志叢書·華北地方·第三四〇號

據清·張延福纂修
清·乾隆十八年抄本
影印

甘肅省

涇

州

志

(全)

成文出版社有限公司印行

涇州誌序

史以考治亂誌以徵廢舉均重也
然史設韻官有注錄章疏之可據
而誌無司存與紀事者其載筆之
難易旣異勢矣史以褒貶昭勸戒

誌以見聞備記載其體裁又異指
矣且誌有三善誌實不誌虛誌信
不誌疑誌質不誌文夫然誌也而
進於史矣顧不重哉涇州古義渠
地當陝甘之衝為漢名郡唐宋以

來諸名臣後先經畧安撫以故覩
其山川考其疆域同昇並峙涇汭
分流而一種雄偉峭拔之氣實與
關隴名山大川相發揮余於壬申
歲奉

命來陝荷

上憲題署平慶道篆抵任後卽亟
取郡誌披閱之奈多殘缺而經誌
復久失竊欲拾採舊聞與州牧共
編緝之未遑也甲戌春初州牧張

名延福者手持二編告余曰涇故
無誌而邊地質野文獻無徵遠搜
近採就所聞見者筆之於書幸僉
判李瑾素亦留心誌乘共相與排
纂次第之今告成矣敢以序請余

因細閱全卷其中古今之興廢上
下之規制及事之善敗風土之美
惡莫不縷晰條分且去其誕妄刪
其疑似除其浮靡一篇之中三善
備焉所謂誌實不誌虛誌信不誌

疑誌質不誌文者非耶余不覺神
為飛動拍案喜曰牧之志可徵諸
治牧之治始可及於誌矣尤冀以
較然不欺其心者永懷勉勵庶幾

仰副

皇猷勤宣

憲德將見人才蒸蒸蔚起風俗宴
宴日上謂僅存歷代之典章文物
已哉為謠言之又不止為謠言之
也爰舉而壽之倅卽以斯誌為國

之史也可是為序時

乾隆十九年歲在甲戌仲春之吉
誥授中憲大夫分巡平慶兵備道榕

亭壯年譔

涇州誌序

誌之為書重矣哉上紀天文下察
地輿其間方名族類壇祠往蹟物
土之異宜風俗之好尚與夫兵刑
錢穀水利農田吏治之得失民生

之利病莫不胥於是載洵從政之
津梁匡治之寶鑑也誌顧不重也
哉郡東所屬涇州古義渠地也漢
時置安定郡後魏始置涇州唐宋
之際疊為重鎮尋復改州元明因

之泊乎徙治涇陰仍隸平涼郡焉
幅幘一百餘里控扼西陲地勢險
要實甘省之咽喉邊衢之門戶昔
時寇暴窺覷諸羌雲擾為戎馬紛
馳之場自我

朝鼎興以來內外又安又恭逢

聖主臨御化洽邊隅自涇以西直抵
崑崙永奠內域夫涇旣居甘省之
首化行自始四方於是乎觀瞻其
土地人民政事暨一切儀制典章

視他州為更重則涇之誌亦視他
州為要矣慨自歷任司牧非無賢
智傑出政治卓卓可觀者而於誌
之一書大都任其沿襲畧焉弗講
州牧張名延福者豫之秣陵人也

才識品行冠於羣倫而又出之以
老成明練蒞涇兩載地方政事孳
孳勉勉百務以興猶念誌乘所關
為敷政之準繩允宜注守特以歲
久因循零落散佚汲汲焉銳意纂